

會真集卷之三

夜八

超然子王吉昌撰

九轉功成

月中仙

道泄沖和運開基香冥生發元首推排七返

配二三成六再三成九九還真造化分八卦
妻男自偶默然真情契凝然氣神如一鎮相
守○盈虛動靜歸元證不空不有頭面仍舊
無為性普應地天神化視之能久任從劫運
變太空體綿綿不朽次了無生滅恢弘妙用
真樂受

鍊神合道

風入松

太陰二八產純乾抱六合真釜二氣經營元
數足始離形祖意空傳變態超塵契聖顯物
外性空圓○冥冥反朴表精研越枯木巖前
拍手歸來明月下拉清風戲舞瑤天笑傲華
胥真境喜坦蕩夢遊仙

又

鍊神入道混融成表真淨真清造化陽魂離

體變恣縱橫觸處逢瀛野鶴孤雲無礙觀自
在任飛行○死生寵辱不須驚得久視長生
欣見主人真頭面露堂堂妙體崢嶸了了圓
空一著形無像道為名

大圓覺海

綠頭鴨

混融成大圓覺海崢嶸性珠顯恢弘祖意慧
風通虛谷傳聲有中無無中有有應變處廓
爾縱橫坦蕩融通查冥豁奕澄澄一混體無
榮證動靜俱忘何在觸處露圓明如如貌莫
形莫狀真淨真清雲通像不增不減聲劫來
一段光榮無限域含容萬有遍四海三際充
盈桂梅沖虛無離無壞浩然一點括長生證
本有魏巍極致奇持體妍精道模操人能悟
入與道同名

又

親幽玄混成法像無邊悟真常靈明妙用越
驪珠獨耀深淵街真聖穿山透壁展威風入
地界天變化多方神通揮霍一輪炳耀顯孤
圓淨灑灑難推難把朗朗湛如然無為相高

低莫測遠近難詮非空色亦無二體顯本來
清淨因緣大千界潭無罣礙證方寸拍塞坤
乾究竟圓通不離不即堂堂恢廓體備然括
慧灼天真至理悟入奮威權妙中妙騰今跨
古無像功全

五行生數至成數

瑞鶴仙

五行真氣集通玄北谷神應時出入綿綿定
呼吸顯平調榮衛端分和輯脉方動十得火
候熏蒸自給蕩百骸九竅開閉上下泝流相
襲○功及三天兩地九六陰通七八陽立降
昇氣揖推造化寶鏡緝配剛柔合體抽添循
數養就神丹一粒變陽魂法界恢弘跨雲步
急

成數造化金丹

瑞鶴仙

金丹真造化在進大功夫抽添相亞綿綿息
全精配天關地軸器鑪形借鉛清汞瀉引彩
鳳金鳥自下入黃庭展轉相交降昇兩情迎
送○多暇月娥捧酒間簇笙簧喜連風夜仙

童子騎乘空舞彩雲跨向三天深處放懷如意五色光輝緊射料玉壺九轉金成殆難估價

又

鍊丹成數究進水火抽添六陽時候嚴嚴虎龍開捲清風市地兩情精燐雷轟宇宙漬玉藥靈芝吐秀待藥爐火冷水凝方是雪肌成就○身富香噴蘭麝內放金光夜明如晝沖虛德燃表清淨果無漏塵色空都泯魄纖魂聖地厚天高遠透向

三清妙選叢中已爭領袖

飲刀圭

說漢沙

離坎昇沉氣不迷天門滅息飲刀圭月宮飛過日中鷄○東北朋生調玉兔兩情和氣吐紅霓真成火棗玉童携

又

勤飲刀圭鍊極陽薰蒸藥味透天香旋噴甘露返魂漿○爛飲醺醺長日醉婆娑飛舞應笙簧陶陶真樂上天方

又

三八為刀息緩留圭憑戊巳吸呼修飛伏十干盤添抽○造化結成仙藥體依時餌訖御神遊日飛天外得優游

又

飲息時時藥味加五神運起海金沙天河仙子渡靈槎○水滿金城凝露冷人牛不見月空華清風捧擁笑歸家
玉瑣金關互換封閉

萬年春

玉瑣金關陰陽擊柝牢封閉相凝制變通無繫滿腹清風細○九氣天中雲步無纖翳真根蒂道情潛契湛湛通三際

又

一氣沖和心猿緊瑣難奔走詞柔受密封關口太一氤氳守○二者相融默默昏昏久成奇偶鍊須九九丕享虛空壽

又

浩氣流行綿綿擁簇真樞定願神與香冥難醒凝結玄黃孕○造化圓空剔透靈臺營能

常應木童形勝穩步雲霞徑

真坐

江神子慢

修真萬緣擊心地下功夫要剛烈育愚拙放四大自在安閑不憚志如鐵強斬馬猿雙足折罷顛劣都收歸寂滅八關六腑三宮總和暢萬神悅○龜息玄通無間得澄湛子母團圓交結兩情泄願陽體鍊就飛行時節意米深造化真空歸物外無為道圓成選若缺放關性月輝輝貫乾坤徹

偽坐

江神子慢

谷神死不作蟄窟彼心迷用功錯妄穿攀搜玄妙水谷雲根為託護消索扭捏一身常把捉相專著地關無鎖鑰天門不折彌封豈留氣有無若○難為三官昇降執一性返失西來糟粕道情薄乖魂魄動靜龍虎盤礴味藥驚恁鍊玉壺金水結無丹體何能雲步樂儻還剔透玄機會蓬萊約

氣邪

無俗念

一呼一吸昧谷神玄牝綿綿踵至聚散忙忙
乖造化根蒂懸懸遠離上下無歸往來失御
不向三宮施內達歸膝意因執定一位○外
灌四體皮膚浮行散亂蠢蠢難安置壯觀渾
身多震動變易千般何當意不灰寒形不木
槁性命雲泥異禪功營結怎成陽體純粹
氣邪歸正

江梅引

浩然氣動混元宮契修崇運清風透徹三關
上下自然充膝外浮遊收入內盡一指都歸
玉路中○神迎天谷傲晴空養沖融得疏通
體了無繁澄湛證參同物我兩忘真豁暢無
為理至圓成顯聖功

神邪

江梅引

四肢氣散失根芽作神邪發空華異物千般
目下亂如麻一切聖賢隨意現總變化都因
一念差○不知心病尚強誇景無涯事為嘉
持昧玄通道眼被塵遮不作真禪成魔境陰

陽陽看如何鍊玉砂

神邪歸正

江梅引

靈襟深雪茂塵汚幻形剝外容愚恬淡場中
馳驟道情娛一氣制神神醜酊乘醉舞金童
玉女扶○玄機真造志勤劬凡軀入虛無
恢廓圓明性月一輪孤冷浸禪天風霧靜水
肌彩傲澄澄晃玉壺

又

景忘情滅萬緣踈覽滌除道情舒把握權輿
神息動徐徐將養靈臺山岳靜常默默調神
定有餘○森羅真境傲華胥顯元初妙如如
無像堂堂模樣契沖虛飛舞遊嬉無罣礙狂
歌詠恣欣欣類接輿

又

萬斜不作一靈孤妙容模契虛無覺海縱橫
獨耀越驪珠雲靜水寒無點翳清淨體穿山
透壁殊○無人野上傲雙鳧奮天衢翫仙都
一點圓明變化不能拘腹實沖和懷美玉容
藏匱更不求善價沽

賓主互換

月中仙

素妙修真分元神作賓一氣為主玄機不昧
憑坎離精粹權衡三五浩然成造化銷尸魄
純陽結聚七返真陰降功全攝迹歸本認元
祖○鍊神合道冥冥始真空體靈實相難觀
無窮變化顯性珠如意恢弘光吐獨超三界
外令清淨騰今跨古反換賓為主首提究竟
功德普

又

志士窮元派浮沉動靜體用分別神初象容
藉氤氳為主應時提挈杖頭挑日月輪天地
推移氣泄北斗南辰轉輝輝洞天深處木童
悅○而今主掌專權證陽極返還陰降時節
真功造化顯本來體段清輝冰潔煥然無點
污塵三界十方透徹一混希夷化不空不有
無生滅

欲界

武陵春

欲界谷神初剖判情逸混沖融太一雲與雨

地風嶽頂雨濛濛○造化陰陽昇降應八脉
醒泉通聚韻琅琅聒耳聰絕念醜奇功

又

一氣始方離混沌八卦九宮期羅絡臺中媾
坎離消息活充肌○斡轉璇璣神寂定龍虎
甲庚順性普三宮造化奇點點入希夷

又

嗜愛頑忘情不縱去智道顯形心跡交時醉
半醒子母聚黃庭○九氣天中鳴玉韻晝夜
不曾停斷送仙童入杳冥變態奮威靈

又

心樂澄澄時靜應陰裏蟻陽精颯颯和風海
底生六腑九宮盈○一氣混批罡斗轉天谷
至神迦慮念俱無淨德成咫尺傲鵬程
色界

水遇樂

心慮灰凝妙圓德備威儀無缺杳杳禪安冥
冥色礙靈裏風光泄雲霞來往虎龍吟嘯捧
弄木童神悅廓胃臆供飲沖和坦蕩醉吟時
節○笙歌鼎沸鸞風舞縱橫自在行列滿

日祥光盈空瑞靄隱飄紅雪拍懷冰瑩充
襟月冷壯貫道情明徹傲真境真樂真懼出
塵妙絕

又

機括獨行猶然形累莊嚴神正詰漏穿封萬
緣齊剪斷連關心鏡禪開打破壘春深入萬
象拱環七政天河轉月窟光飛低視碧霄相
映○純陽東體瑞雲高卧輕清拂面風勁歡
樂無涯變通難約時復狂歌詠笙簧綠繞雷
霆鼓潤做弄木童餘慶冥冥證一點圓空至
清至淨

無色界

長思仙

命還空性還空物我雙忘關慧風冥冥一混
同○運神功契鴻濛反素靈光天地中虛形
處處通

又

定心惺識心停主客同宮湛湛寧人牛不見
形○性真靈像真靈動靜無為混杳冥圓空
上下經

頑空

黃鶴洞中仙

深染頑空病未識修真命徒昧陰陽變化機
靈翳真心鏡○念斷為見性正是沉空淨不
鍊成丹妙體全久久難歸聖

又

性命根基奧道本陰陽造孤守靈光一點清
殆失觀天道○三益宜深討四象當逆考奪
得乾坤造化權結就圓明寶

斷空

一剪梅

奪得周天火候煎丹爐晝夜煮汞鉛海源
江岸氣噴煙繼日奔騰通貫三田不悟冥冥
入定禪神離氣散子母難圓陰陽失媾昧玄
玄九載三年不見壹天

又

一氣昇騰寶鼎煎相交水火玉路飛鉛不能
神定兩團圓隔若雲泥難契重玄切要澄心
勤萬緣自然性命混合歸釋陽魂變化恣昇
遷百日千朝雲步壹天

真空

望海潮

真空根蒂全憑神息分開五蘊精華和暢六神氣氤三島天河浪泛靈槎乾鼎養丹砂正雲駕坤牛風送羊車密運黃金并成燦爛結

瓊花○滋彰極妙生涯放空圓顯理玄覽無瑕純粹一真通天透地恢弘無障無遮方寸括河沙恣興陪風月醉卧煙霞箇裏真消息偏分付道人家

又

形神俱妙靈通無礙卓然獨立玄玄顯理簡情空色無關揭為究竟因緣祖意密空傳自心境俱冥智解都蠲一段真清淨廓神變出坤乾○恢弘妙體空圓露如如無像高微禪天炬赫慧光崢嶸寶相森羅法界無邊契道奮威權已打破虛空劫力難煎孽碎輪迴殼拉真一度流年三千功老君吟清神奪鳳髓止息收鳥血六陽飛宇宙五氣

通關即雲雷風電擊向三天降水雪瑤山海嶠噴紅霧赫赫如晴晝性光明徹○兩情結禪天齊物變意寫成惟悅陽魂全造化號真功功妙絕三千數合無圓缺神超歸物外永離生滅

又

靈風透骨髓秀氣盈肢節抽添離與坎動靜相交設符數周天造聚陰陽氣神結黃庭錦帳渾孕瑞變化陽魂勝地天通徹○細分別三千真造化消息玄黃泄性光無點汚瑩如水據深雪頓超三界真歡悅歌吟遊闕苑道情清絕

八百行

老君吟

靈源無點汚常應常清淨陰陽已罷交子母同宮慶仲虛葆真一廓圓明輝心鏡頭頭照破歸寂滅妙用弘法海變通無竟○具真行慈悲形道本慘怛心無爭普施咸利物執謙德為權柄圓成八百無漏果頓超雲步穩脫九歸聖

返老還童

放心閣

地水火風裝成四大到頭衰老成空死生蟬脫憑拙妙用修崇合天地推移真造陰陽運匹配雌雄神胎剖氣氤聖體輕健還童○養就如如玄皇消息匠至虛法像靈通審載浩氣廓變化體無窮恣垣赫元初模樣跨鸞鶴笑傲天宮縱橫自在顯超凡入聖千古清風

又

一氣玄功三奇真造本來玉貌修完混歸寶藏密益九轉神丹傲陽體堂堂實相棲具境坦蕩天寬從渠日月忙催四大速遷衰殘○物壯難留假軀易失獨卓爾一點冰寒板板聖聖奮飛舞恣吟彈伴雲外清風明月放寬轉隱顯多般還童不老任災臨劫運無像神安火候不正無俗念周天火候要昇沉飛伏無差無錯氣運前昇

穿絳闕透上九天煉烙兩目難開終為大患
急急須更撥遷延歲月變成魔境淪落○六
神失御猖狂三尸放蕩五賊俱成惡要鎮炎
炎歸玉路深入神宮恢廓三盜循環相交水
火鍛鍊成丹藥驅馳歸正得醇賢聖糟粕

全真

感庭秋

陰陽悉備道風淳粹保天真分孽剛柔動
靜鍊九還丹體清新○扶持一性已通神觸
處露全身了了三空無礙混太虛體淨超塵

又

志通天地媿精神消息葆全真造化玄黃極
妙鍊九陽現變遠巡○西來祖意坦然伸無
礙法門親應化河沙周普露妙圓精柏清醇

又

如如徹底性圓明三昧理研精縱使頭頭應
顯是一靈陰魄神情○玄機須悟志澄清丹
體鼎煎烹養就純陽法象性命全永保無生

會真集卷之三

會真集卷之四

夜九

超然子王古曰撰

詞

春從天外來

名利如何歎六朝七國五霸山河幾多興廢

一夢南柯光陰暗裏消磨雲山煙水好歸
去策杖披蓑任春秋樂調神養氣行止蹉跎
家園雪梅火棗醞玉壺激灑滿泛金波爛飲
醺醺神遊雲外真樂自在吟哦伴清風明月
通天奏飛舞婆娑世沖和證鴻濛體段超彼
波羅

其二

返本修真待一陽初動五氣全伸金童施義
玉女弘仁剛柔消息成姻會黃庭仙館慧風
引宴拉諸神瑞煙濃泛瓊壺雪浪烹點鉛銀
水肌爛霞帳錦帳三奇光射瓊華清新體膩
蘭香魂飛羽健陪從道德為隣傲太虛翠廓
真清淨不變長春性中珍輝十方三界元邁
水輪

水調歌頭

沖和養真命神耀破昏衢水山明秀雷澤深
處孕玄珠七曜北辰樞紐燦爛金華氣結槁
木得重甦靈腑風煙靜嶽頂月輪孤○透三
天滋九鼎飲瓊酥華胥笑傲陶陶沉醉玉童
扶窈窕芝翫鶴駕馳驟純陽聖境宇宙不能
拘寂閱先天貌隱顯混虛無

其二

慧風掃魔障寶劍輪迴內澄神息驅逐甘
露灑靈臺四象五行三一聚鼎煙凝紫籥鼓
潤發雲雷水泛金花折火養玉蓮開○應符
數合九六契三才資成健體清風明月久追
陪杳杳冥冥精變一混希夷道化神用顯恢
恢勢歸歸極樂咫尺說蓬萊

解愁

今古常情多強侮弱蠻觸是非成惡上大垂
孔豎定富貴理無適莫決烈英賢總不如訪
道德至虛清樂旋調燮木液金晶九重玉闕
鍊玄霜藥○光灼滿室輝華顯陽體飛行變
通難約放懷明月下恣醪酌玉童斟酌萬籟
聲清鳴管籥傲物外澄澄寥廓放粗意獨掌